



## **REGIONE AUTONOMA DELLA SARDEGNA**

**DELIBERAZIONE N. 17/7 DE SU 20.3.2008**

---

Ogetu: **D.P.R. 19.6.1979, n. 348 art. 37. Vigilàntzia subra sos entes e organismos prepostos a s'isvilupu industriale. Cunsòrtziu pro sa Zona Industriale de Interessu Regionale de Finiscole. Pròroga gestione commissariale.**

S'Assessore de s'Industria ammentat a sa Giunta sa deliberazione n. 43/1 adotada in sa setziada de su 26.11.2003 cun sa cale s'est provididu, pro more de sas illegitimidades iscumproadas, a sessare sos òrganos de su Cunsòrtziu pro sa Zona Industriale de Interessu Regionale de Finiscole, nominende unu Commissàriu Istraordinàriu.

A ùrtimu cun sa deliberazione n. 4/22 de su 22.1.2008 sa Giunta, pigadu atu chi sa situazione peleosa de su Cunsòrtziu non fiat istada galu superada, at prorogadu s'incàrrigu a su Commissàriu pro àteros duos meses, isetende chi bi siant sas conditziones giurìdicas pro pòdere assemidare s'Assemblea de sos Entes Cunsortziados.

S'Assessore ammentat a sa Giunta regionale chi su Cunsòrtziu subranaradu faghet parte de cussos de sos cales a sa tabella F (Riòrdinu àreas industrielas), parte I (Àreas industrielas cun mannària subracomunale), pro sos cales est prevididu, in conforma a s'art. 7, comma 38, de sa L.R. n. 3/2008, sa soppressione pronta e sa sessada imbeniente de sos òrganos de su cunsòrtziu, e finas sa nòmina de unu commissàriu pro sa licuidatzione intro de sa de trinta dies dae sa data de intrada in vigèntzia de sa lege numenada in antis.

S'Assessore de s'Industria aprètziat chi oe, sende chi no est istadu galu possibile protzedire a s'assemidamentu de sos òrganos sotziales, siat netzessàriu deliberare una pròroga ulteriore a s'incàrrigu commissariale de su Dot. Franco Corosu, cun efetu dae sa data de iscadèntzia de su mandadu antepostu e finas a sa data de decurrèntzia de sa nòmina de su Commissàriu pro sa licuidatzione de s'Ente, segundu cantu prevididu in s'art. 7, comma 38, de sa L.R. n. 3/2008.

Sa Giunta regionale, a pustis de àere intesu sa proposta de s'Assessore de s'Indùstria, achiridu su parre de legitimidade de su Diretore Generale de s'Assessoradu espressadu in cunforma a s'art. 24 de sa L.R. 13.11.1998, n. 31

**DELÌBERAT**

de prorogare sa gestione commissariale de su Cunsòrtziu de sa Zona Industriale de Finiscole intregada a su Dot. Franco Corosu, cun efetu dae sa data de iscadèntzia de su mandadu antepostu e finas a sa data de decurrèntzia de sa nòmina de su Commissàriu pro sa licuidatzone de s'Ente, segundu cantu prevìdidu in s'art. 7, comma 38, de sa L.R. n. 3/2008.

**Su Diretore Generale**

Fulvio Dettori

**Su Presidente**

Renato Soru